

ANEKS MARREVESHJE

Emertimi

FORUMI RAJONAL AFTESIA E KUFIZUAR DHE INTEGRIMI, SHKODER FRAKISH

Forumi Rajonal Aftesia e Kufizuar dhe Integrimi Shkoder deklaron se:

Duke qënë të ndërgjegjshëm se personat me aftësi të kufizuar ende përballen me mosrespektimit të të drejtave të njeriut dhe formave shumëfishe të diskriminimit prezente këto edhe në Rajonin e Shkodrës, janë në kushte të vështira jetësore, kanë pamundësi të aksesit në ambientet fizike, shoqërore, shëndetësore, ekonomike, kulturore, arsimore në informacion e komunikim:

bie dakord si më poshtë

PJESA E PARË

Themelimi

Forumi Rajonal Aftesia e Kufizuar dhe Integrimi Shkoder është rrjet bashkëpunimi, me pjesëmarrjen e disa prej: Agjensive të Zhvillimit, OJF- ve vendore në fushën e të drejtave të njeriut dhe aftësisë të kufizuar, media, Kompanive të Biznesit, Institucioneve lokale dhe rajonale dhe kërkuesve që punojnë në fushën e aftësisë së kufizuar dhe zhvillimit. Forumi Rajonal Aftesia e Kufizuar dhe Integrimi Shkoder është rrjet i hapur që bashkon grupe të interesuara në çështjet e aftësisë së kufizuar dhe zhvillimit.

Emërtimi

Emërtimi i këtij rrjeti është Forumi Rajonal Aftesia e Kufizuar dhe Integrimi Shkoder.

Misioni

Forumi Rajonal Aftesia e Kufizuar dhe Integrimi Shkoder ka mision promovimin dhe mbrojtjen e të drejtave të personave me aftësi të kufizuar nëpërmjet bashkëpunimit aktiv, shkëmbimit të informacionit dhe ekspertizës ndërdisiplinore ndërmjet anëtarëve të Forumit për të realizuar përfshirjen e problematikës së aftësisë së kufizuar në iniciativat dhe programet e zhvillimit në Shqipëri dhe më specifikisht në Rajonin e Shkodrës.

Objektivat

Forumi Rajonal Aftesia e Kufizuar dhe Integrimi Shkoder do të udhëhiqet nga këto objektiva të përgjithshëm:

1. Forumi Rajonal Aftesia e Kufizuar dhe Integrimi Shkoder, nëpërmjet anëtarëve të tij do të llojë në promovimin dhe mbrojtjen e të drejtave të personave me aftësi të kufizuar me synim gjithëpërfshirjen e çështjes së aftësisë të kufizuar, duke organizuar konferenca, seminare, takime apo tryeza të rrumbullakëta; botime raportesh e artikujsh dhe veprimtari të tjera.
2. Forumi Rajonal Aftesia e Kufizuar dhe Integrimi Shkoder do të nxise bashkëpunimin dhe shkëmbimin e eksperiencave midis anëtarëve të tij për ofrimin e mundësive në mbështetje teknike dhe financiare, seminare dhe trajnime për ngritje kapacitetesh të anëtarëve të koalicionit.
3. Forumi Rajonal Aftesia e Kufizuar dhe Integrimi Shkoder do të shkëmbejë dhe shpërndajë informacion, ekspertizë dhe materiale të tjera ndërmjet organizatave anëtare dhe strukturave jashtë tij, duke organizuar:
 1. Takime të rregullta të Forumit të pakten çdo katër muaj.
 2. Përhapje e informacionit brenda organizatave anëtare të Forumit.
 3. Shkëmbim i informacioneve të organizatave anëtare.
 4. Ndertim i marrëdhënieve progresive ndertuar në mirëkuptim dhe debat midis anëtarëve përfaqësuesve të shoqërisë civile dhe përfaqësuesve institucional.

PJESA E DYTË

Funksionimi i Forumit Rajonal Aftesia e Kufizuar dhe Integrimi Shkoder

Organet drejtuese të Forumit Rajonal Aftesia e Kufizuar dhe Integrimi Shkoder

Organet drejtuese të Forumit Rajonal Aftesia e Kufizuar dhe Integrimi Shkoder janë:

- Asambleja e anëtarëve
- Bashkëkryetarët

Asambleja e anëtarëve

Asambleja e anëtarëve përbëhet nga të gjithë anëtarët nënshkrues të marrëveshjes së bashkëpunimit për krijimin e Forumit Rajonal Aftesia e Kufizuar dhe Integrimi Shkoder Çdonjëri nga anëtarët e Asamblesë së anëtarëve ka të drejtën e një (1) vote.

Asambleja e anëtarëve ka për detyrë:

- Të miratojë dhe ndryshojë, objektivat e përgjithshëm si dhe politikën e Forumit Rajonal Aftesia e Kufizuar dhe Integrimi Shkoder për ndërhyrjeje, përmirësimin dhe mbrojtjen e të drejtave të personave me aftësi të kufizuar, në përmbushje të misionit të tij.
- Të zgjedhë Bashkëkryetarët.
- Të vendosë për pranimin dhe largimin e anëtarëve.
- Të miratojë dhe të ndryshojë këtë marrëveshje.

Çdo njëri nga anëtarët e Asamblesë së Anëtarëve ka të drejtë të paraqesë një kërkesë me shkrim tek Bashkëkryetarët për të thirrur mbledhje, jashtë radhe, të Forumit Rajonal Aftesia e Kufizuar dhe Integrimi Shkoder për çështje që ata i konsiderojë të rëndësishme.

Bashkëkryetarët

Forumi Rajonal Aftesia e Kufizuar dhe Integrimi Shkoder do të ketë dy (2) Bashkëkryetarë, një prej të cilëve do të jetë organizatë apo përfaqësues që është aktiv në fushën e aftësisë së kufizuar.

Asambleja e anëtarëve, zgjedh Bashkëkryetarët, me votim të hapur, për një periudhë 6 mujore me të drejtë rizgjedhjeje.

Bashkëkryetarët do të zgjidhen nga Asambleja e anëtarëve të Forumit Rajonal Aftesia e Kufizuar dhe Integrimi Shkoder, me shumicën e votave në prani të më shumë se gjysmës së anëtarëve të tij, sipas procedurës të vendosur nga Asambleja e anëtarëve ditën e votimit.

Në 20 muajt e parë, nga krijimi i Forumit Rajonal Aftesia e Kufizuar dhe Integrimi Shkoder, një nga bashkëkryetarët do të jetë Qendra e Zhvillimit të Shanseve të Barabarta Shkoder. Pas mbarimit të këtij mandati do të fillojnë procedurat për zgjedhjen e bashkëkryetarit tjetër si parashikohet në këtë aneks marrëveshjeje.

Bashkëkryetarët kanë për detyrë:

1. Të drejtojnë veprimtarinë ekzekutive të Forumit Rajonal Aftesia e Kufizuar dhe Integrimi Shkoder
2. Të drejtojnë mbledhjet e Asamblesë së anëtarëve.
3. Të thërrasin në mbledhje, takime, diskutime, konferenca, anëtarët e Forumit Rajonal Aftesia e Kufizuar dhe Integrimi Shkoder detyrimisht jo më pak se 3 herë në vit.
4. Të raportojë për veprimtarinë ekzekutive në Asambleja e anëtarëve.
5. Të përfaqësojë Forumin Rajonal Aftesia e Kufizuar dhe Integrimi Shkoder në marrëdhënie me publikun.